

758/250

**E TH I C E S**  
**P R A E C E P T A;**  
*Cum*  
**C O N T R O V E R S I I S.**  
Illustroribus brevissimè coarctata:  
E T  
*In Regia Fennorum Academiâ Stu-  
diosæ juventuti exhibita*

MICHAELI O. WEXIONIO,  
G. A. Polit. & Historiarum inibi  
Profess. Publ.

Summa Præsentis Opusculi.  
Quæ via virtutis: Quæ sièpius Ethicus acer  
Disputat: En paucis hic, bone lector, habes.



A B O E

Excudebat Petrus Wald/ Acad. Typ.

Sacrae Reg. et Maj:<sup>tis</sup>

U: Et

Inclyti Imperij Gothico-Svetici Drotzeto & Senatori Supremo, Parlamenti regij Holmensis Præsidi; Regiæq; Academiæ Aboënsis Cancellario; Nec non Vesmanniæ, Montanorum & Dalecarlorum Judici Provinciali;

Illustriſſimo Comiti ac Domino,

D. PETRO BRAHÆO;  
Comiti in Vibingzborgh/ Libero Baronii in Rydboholm & Lindholmen.

DOMINO MEO GRATIOSO

Exercitia pacce Academica devoti animi,  
grata mentis, faustig, ominis causa

Humili me  
Inscribo, Dedico, Offero,



Illustrissime Comes;

DOMINE GRATIOSISSIME,

Multis mihi non erit reddenda ratio, cur  
Illustrissimæ Tuæ Excelsit: <sup>ii</sup> hasce pa-  
gellas inscribam; Pluribus ad tenuitatem  
earundem excusandam opus esse videtur.  
Tua quippe Illustris Excelsitas non modo à  
S. à R. <sup>a</sup> M. <sup>re</sup> in imperio proxima regnum  
universum Justitiae radijs collustrat; ve-  
rū magno huic Ducatui, clementiae suæ au-  
ram speciatim semper aspirare facit: Et,  
quod caput est, jam divinâ provisione &  
Clementissimo S: <sup>z</sup> Reg: <sup>z</sup> Maj: <sup>tis</sup> indultu  
Cancellarius Academiæ nostræ salutari non  
dedignatur; Cui secundum Deum Opt.  
Max: & S. Reg. Maj: <sup>m</sup> nostrorum studio-  
rum rationem, in florentissimâ hâc Musa-  
rum statione ut reddere tenemur, ita me-  
ritò nunquam non parati sumus. Verbis

exprimi nequit quantâ lœtitiâ non me solum  
sed omnes tum docentes, tum discentes is-  
nuncius perfuderat; immo quantopere te-  
ta & parietes hujus Academie exhibila-  
verat qui Illust: m T: m Excelositatem ad fre-  
quens votum & unanime omnium nostro-  
rum desiderium, Academie Cancellarium  
declaratum esse primus attulerat. Adeo  
ut omnes ac singuli, nec immerito, de gaudij  
signis edendis & gratulationibus instituen-  
dis certatim cogitare cœperimus. Neo  
pauca etiam sunt, quæ me seorsim obstri-  
ctum & perpetim obligatum tenent.  
Quantâ Illust: T: m Excelitas me ante sexen-  
nium, & quod excurrit, Illustriss: Herois  
Regni Cancellarij MAGNI OXEN-  
STIERNII, &c, in exteris Nutrito-  
ris & etiamnum Meccenatis mei propen-  
sissimi commendatione Aboam primùm ve-  
nientem benevolentia excepit; quantâ  
beni-

benignitate foverit; quantâ humanitate  
jam tūm in patriam familie transportandæ  
gratiâ digredientem prosequuta; quāmq;  
non interruptam ex eo absenti non secus ac  
præsentī clementiam declaraverit, quoties  
recordor; recordor autem s̄epissimè; O-  
mne natalis Soli ac necessariorum, à quorum  
contubernio semotus, desiderium lenitur  
Et animi vigor quasi renovatur. His  
recreor; his erigor. Nihil amplius in votis  
habens, quām (quod submissè hāc etiam in-  
scriptiunculâ palam volo) ut Omnipotens  
Illustriss:<sup>m</sup> T.<sup>m</sup> Excels:<sup>m</sup> patriæ, S. R. M.<sup>cō</sup>  
Et huic crescenti Academie sospitem diu su-  
peresse velit; Meq; Illust. T.<sup>=</sup> Excels.<sup>is</sup> fa-  
vore jure excidere non patiatur: qui jugi-  
tēr dici Et esse desidero;

Illustrissime Comes:

Illust: T:<sup>=</sup> Excels:is

Aboe 23.  
Decemb.  
1646.

Humilimus & addictissimus  
clientulus

MICHAEL O. WEXIONIUS.

Precatio.

A D D E U M.

*Politicis Disputationibus præmiti consueta.*

O Mnipotens æterne Deus, Pater Domini nostri Jesu Christi, rogamus te supplices, ut divino tuo afflato hisce horis clementer nobis adesse digneris. Intellectus nostros tuo splendore collustra, ut nihil tibi tuove honori aut pietati adversum concipiamus. Corda nostra tui amore accende, ut te super omnia diligamus: Humana quidem cognoscamus; divina tamen perpetuò præferamus. Et tum demum nos vere eruditos judicemus, cum rerum caducarum Scientiâ politi, summam Sapientiam æstimamus, *Tenovisse verum Deum & quem misisti Iesum Christum.* Lingvas itidem nostras dirige, ut quod mentes conceperunt piè & cordatè, non minùs deponent fideliter, candidè & humaniter. Da insuper, ô Pater optimus, ne in nudo sermone nostra consistat Sapientia; Sed quod verba concludunt salubriter; Facta ipsa præstent salutariter. Eaq; hic meditemur ac proferamus, quæ Ecclesiæ, xcip, nobis ipsis alijsq; in societate humana u-

fui

sui esse, publicum bonum promovere, &  
tuam gloriam extendere valeant. Audi, &  
exaudi nos per & propter eundem filium  
tuum, Dominum nostrum Jesum Christum,  
qui tecum & Spit. S. vivit & regnat in secula  
seculorum! Amen.

### GRATIARUM ACTIO:

#### *Finitâ Disputatione.*

**G**ratias agimus tibi ô benignissime Deus,  
quod hisce horis divinâ tuâ clementiâ  
adfueris, nosq; in optatum portum deduxe-  
ris. Te rogamus porrò, ut omnibus nostris  
exercitijs honestis & studijs liberalibus largâ  
tua benedictione ex alto clementè adesse di-  
gnaris. Patriam insuper totam tibi habeas  
quàm commendatissimam. Salvifico ver-  
bo & recto Sacramentorum usui successum  
adde: Präconibus ejusdem atq; ministris  
gratiam largire, ut quod svadent piè, persva-  
deant potentèr, multosq; ad tui cognitio-  
nem, verum cultum & æternam salutem per-  
ducant. Magistratum nostrum clementissi-  
mum, Serenissimam atq; Potentissimam  
Reginam C H R I S T I N A M Augustam  
Svecorum, Gothorum Vandalorumq; Regi-  
nam

niām & Principem hereditariam, Magnam  
Principem Fenniae, Ducem Estoniae &  
Careliae, Ingriaeque Dominam, Dominam ac  
Altricem nostram benignissimam; Regniq;  
Proceres & omnes in eminentia constitutos  
intelligentiae & prudentiae Spiritu instrue, ut  
concreditam sibi navem inter tot fluctus &  
Symplegadas, quibus res humanae jactan-  
tur, in publicae salutis portum dirigant; ut  
sub ejusdem S. & Reg. M:<sup>tis</sup> regimine felicem  
& tranquillam vitam agamus, in omni pietate  
& honestate. Militem quoq; nostrum in  
exteris militantem omnemq; Regni armatu-  
ram Sanctorum Angelorum praesidio tuere,  
ut ex victorijs pax tandem diu desiderata ef-  
florescat. Omnibus deniq; ac singulis reip;  
membris & honestis sustentationis medijs  
clementi tua benedictione succurre. Et  
florente etiam hanc Academiam divinâ tuâ  
gratiâ benignè adauge, ut pietatis seminarium,  
Sapientiae, probitatis atq; prudentiae er-  
gasterion in seram usq; posteritatem sic &  
permaneat! AMEN.

•S(O)S•

